

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**ДОМ НАРОДА
ПРЕДСТАВНИЧКИ ДОМ**
Зajедничка комисија за административне послове



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM/ZASTUPNIČKI DOM**
Zajednička komisija za administrativne poslove
Zajedničko povjerenstvo za administrativne poslove

Broj: 03/5-50-14-11-32,8/18

Veza broj: 03/5-02-4-2435/18

Sarajevo, 6. 11. 2018.

**ODLUKA
O NAČINU OBRAČUNA PLAĆA I OSTALIH MATERIJALNIH PRAVA
POSLANIKA I DELEGATA U PARLAMENTARNOJ SKUPŠTINI
BOSNE I HERCEGOVINE**

SARAJEVO, novembar 2018.

Na osnovu čl. 12. i 63. stav (1) tačka a) Poslovnika Predstavničkog doma Parlamentarne skupštine Bosne i Hercegovine¹, čl. 13. i 53. stav (1) tačka a) Poslovnika Doma naroda Parlamentarne skupštine Bosne i Hercegovine² i člana 39a. Zakona o plaćama i naknadama u institucijama Bosne i Hercegovine³, Zajednička komisija za administrativne poslove Parlamentarne skupštine Bosne i Hercegovine, na 32. sjednici, održanoj 6. 11. 2018, donijela je

ODLUKU

**o načinu obračuna plaća i ostalih materijalnih prava poslanika i delegata u
Parlamentarnoj skupštini Bosne i Hercegovine**

POGLAVLJE I. - OSNOVNE ODREDBE

Član 1.

(Predmet)

Ovom odlukom utvrđuju se: razlika plaće, paušal, naknada za rad u ad hoc komisijama, radnim grupama, stručnim timovima, Komisiji za izbor i imenovanje članova Centralne izborne komisije Bosne i Hercegovine (u daljnjem tekstu: Centralna izborna komisija), nezavisnim tijelima Parlamentarne skupštine Bosne i Hercegovine (u daljnjem tekstu: Parlamentarna skupština BiH), naknade nezavisnim stručnjacima i svjedocima, naknada za posjetu porodici i ostale naknade, smještaj u hotelima, slučaj prestanka mandata po sili zakona i slučaj isteka vremena na koje je poslanik ili delegat izabran, te druga pitanja relevantna za primjenu ove odluke.

Član 2.

(Korištenje izraza)

Izrazi koji su zbog preglednosti navedeni u jednom gramatičkom rodu u ovoj odluci bez diskriminacije odnose se i na muški i na ženski rod.

¹ ("Službeni glasnik BiH", br. 79/14, 81/15 i 97/15)

² ("Službeni glasnik BiH", br. 58/14, 88/15, 96/15 i 53/16)

³ ("Službeni glasnik BiH", br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18)

Član 3.

(Plaće i naknade)

(1) Poslanik odnosno delegat koji ima status zaposlenog u Parlamentarnoj skupštini BiH, pravo na plaću i druge naknade ostvaruje u skladu sa zakonom, podzakonskim aktima i ovom odlukom.

(2) Poslanik odnosno delegat koji nema status zaposlenog u Parlamentarnoj skupštini BiH pravo na naknadu određenih materijalnih troškova ostvaruje u skladu s ovom odlukom, zakonom i podzakonskim aktima.

POGLAVLJE II - RAZLIKA PLAĆE

Član 4.

(Razlika plaće)

(1) Poslanik odnosno delegat koji nije u radnom odnosu u Parlamentarnoj skupštini BiH ima pravo na razliku plaće ako mu je plaća u matičnoj organizaciji u kojoj je stalno zaposlen manja u odnosu na plaću koju bi ostvario da je u radnom odnosu u Parlamentarnoj skupštini BiH.

(2) Razlika plaće iz stava (1) ovog člana isplaćuje se na osnovu ovjerene platne liste matične organizacije poslanika, odnosno delegata o visini zarade za svaki mjesec posebno, koju poslanik, odnosno delegat predaje Sektoru za finansije u Zajedničkoj službi Sekretarijata Parlamentarne skupštine BiH (u daljnjem tekstu: Sektor za finansije).

(3) Zahtjev za ostvarivanje prava na razliku plaće podnosi se Zajedničkoj komisiji za administrativne poslove Parlamentarne skupštine BiH (u daljnjem tekstu: Zajednička komisija za administrativne poslove).

Član 5.

(Procedure za ostvarivanje razlike na plaću)

(1) O svakom pojedinačnom zahtjevu za ostvarivanje razlike na plaću donosi se odluka.

(2) Na osnovu odluke iz stava (1) ovog člana, sekretar Zajedničke službe Sekretarijata Parlamentarne skupštine BiH (u daljnjem tekstu: sekretar Zajedničke službe) zaključuje sporazum s matičnom organizacijom poslanika odnosno delegata o međusobnoj saradnji za ostvarivanje prava na razliku plaće.

(3) Razlika plaće poslanika odnosno delegata refundira se njegovoj matičnoj organizaciji.

(4) Matična organizacija poslanika odnosno delegata dužna je mjesečno Sektoru za finansije dostavljati dokaz od nadležne poreske uprave da su izmirene obaveze po osnovu poreza i doprinosa na razliku plaće koja je doznačena od Parlamentarne skupštine BiH.

(5) Ako matična organizacija poslanika, odnosno delegata ne dostavi dokaz iz stava (4) ovog člana za prethodni mjesec, daljnji obračun razlike plaće neće se vršiti.

POGLAVLJE III. - MJESEČNI PAUŠAL

Član 6.

(Paušal)

(1) Poslaniku i delegatu za obavljanje poslaničke i delegatske dužnosti pripada mjesečni paušal bez obzira na radnopravni status.

(2) Visina paušala utvrđuje se množenjem osnovice plaće koeficijentom 1,50.

(3) Svrha ili namjena paušala je za dodatne aktivnosti poslanika i delegata tokom mandata, a koji se tiču povećanih materijalnih troškova u obavljanju poslaničkih, odnosno delegatskih dužnosti (a tiču se: rada u izbornoj jedinici, prisustva manifestacijama po pozivu organizatora i drugim aktivnostima gdje Parlamentarna skupština BiH ne snosi troškove stručnog osposobljavanja i usavršavanja i konsultantskih usluga).

POGLAVLJE IV. - NAKNADA ZA RAD U AD HOC KOMISIJAMA, RADNIM GRUPAMA, STRUČNIM TIMOVIMA

Član 7.

(Naknada za rad)

(1) Poslaniku odnosno delegatu, članu privremene odnosno ad hoc komisije, radne grupe, ekspertnog tima i slično, formiranih na osnovu zakona, odluke domova ili kolegija domova Parlamentarne skupštine BiH za učešće u radu komisije, radne grupe, ekspertnog tima i slično pripada naknada utvrđena zakonom odnosno ovom odlukom.

(2) Poslanik odnosno delegat ima pravo na novčanu naknadu iz stava (1) ovog člana ako rad nije u okvirima redovnog obavljanja poslova i zadataka poslanika odnosno delegata i ako nije obavljen u redovnom radnom vremenu.

Član 8.

(Obračun naknade za rad)

(1) Mjesečna naknada iz člana 7. ove odluke za rad u privremenoj odnosno ad hoc komisiji, radnoj grupi, ekspertnom timu i slično utvrđuje se množenjem osnovice za obračun plaće zaposlenim u institucijama Bosne i Hercegovine koeficijentom 1 i ne može se prekoračiti.

(2) Poslanik odnosno delegat ima pravo na naknadu utvrđenu članom 7. ove odluke samo za period u kojem je obavljao poslove i zadatke utvrđene aktom nadležnog organa odnosno zakonom.

Član 9.

(Početak i završetak rada)

(1) Za početak rada u privremenoj odnosno ad hoc komisiji, radnoj grupi, stručnom timu uzima se dan konstituiranja, a završetkom rada smatra se momenat predaje izvještaja, nalaza, mišljenja ili drugog akta nadležnom organu.

(2) U slučaju da nadležni organ ne prihvati izvještaj, nalaz, mišljenje ili drugi akt i vrati ga privremenoj odnosno ad hoc komisiji, radnoj grupi, stručnom timu i slično na ponovno razmatranje, kao dan početka rada uzet će se dan kad je održana prva sjednica nakon što je nadležni organ vratio predmet na ponovno razmatranje, a završetkom rada momenat predaje novog izvještaja, nalaza, mišljenja ili drugog akta nadležnom organu.

Član 10.
(Ograničenja)

(1) Ukupna godišnja naknada koju poslanici i delegati prime u skladu s odredbama člana 8. ove odluke može iznositi maksimalno do visine 12 mjesečnih naknada i ona se ne može prekoračiti ni učešćem u radu više i/ili privremenih odnosno ad hoc komisija, radnih grupa, ekspertnih timova i slično.

(2) Realizaciju odredbi člana 8. stav (1) ove odluke i stava (1) ovog člana prati Sektor za finansije.

Član 11.

(Obračun naknade kad odlukom organa nije propisana naknada)

Ako se komisija formira na osnovu zakona, a zakonom nije propisana naknada za rad u komisiji, naknadu će utvrditi Zajednička komisija za administrativne poslove.

Član 12.

(Obračun naknade u skladu s odlukom institucija BiH)

Poslaniku odnosno delegatu koji učestvuje u radu privremene odnosno ad hoc komisije, radne grupe, ekspertnog tima i slično, formiranih na osnovu zahtjeva institucije Bosne i Hercegovine, naknadu za njegov rad isplaćuje institucija Bosne i Hercegovine u skladu s odlukom Vijeća ministara Bosne i Hercegovine (u daljnjem tekstu: Vijeće ministara BiH).

POGLAVLJE V. – NAKNADE NEZAVISNIM STRUČNJACIMA I SVJEDOCIMA

Član 13.

(Obračun naknade nezavisnim stručnjacima i svjedocima)

(1) Izabranim nezavisnim stručnjacima i svjedocima za potrebe komisija Parlamentarne skupštine BiH pripada naknada za dolazak i naknada materijalnih troškova koja se utvrđuje množenjem osnovice za obračun plaće zaposlenima u institucijama Bosne i Hercegovine koeficijentom 0,50. Ovako utvrđena naknada primjenjivat će se do njenog utvrđivanja propisom Vijeća ministara BiH u skladu sa zakonom.

(2) Licima iz stava (1) ovog člana pripada pravo na naknadu troškova prijevoza i smještaja ako im je prebivalište udaljeno više od 50 km od sjedišta Parlamentarne skupštine BiH.

POGLAVLJE VI. – EVIDENCIJA O PRISUSTVU SJEDNICAMA AD HOC KOMISIJE, RADNE GRUPE, STRUČNOG TIMA

Član 14.

(Evidencija o prisustvu)

(1) Evidenciju o prisustvu sjednicama privremene odnosno ad hoc komisije, radne grupe, stručnog tima vode sekretari odnosno druga lica imenovana za pružanje administrativno-tehničke podrške.

(2) Evidencija o prisustvu iz stava (1) ovog člana dostavlja se Sektoru za finansije, kao i kolegijima domova odmah nakon održavanja sjednice.

POGLAVLJE VII. – NAKNADA ČLANOVIMA KOMISIJE ZA IZBOR I IMENOVANJE ČLANOVA CENTRALNE IZBORNE KOMISIJE

Član 15.

(Obračun naknade članovima Komisije za izbor i imenovanje članova Centralne izborne komisije)

(1) Članovi Zajedničke komisije za administrativne poslove, imenovani u skladu s članom 2.5. Izbornog zakona Bosne i Hercegovine⁴ u Komisiju za izbor i imenovanje članova Centralne izborne komisije, imaju pravo na naknadu za rad u navedenoj komisiji u skladu s ovom odlukom.

(2) Kao dan početka rada uzima se dan održavanja prve sjednice Komisije za izbor i imenovanje članova Centralne izborne komisije, a dan završetka rada dan dostavljanja liste kandidata Predstavničkom domu Parlamentarne skupštine BiH (u daljnjem tekstu: Predstavnički dom).

POGLAVLJE VIII. - NAKNADE ZA RAD U POSEBNIM I NEZAVISNIM TIJELIMA PARLAMENTARNE SKUPŠTINE BiH

Član 16.

(Naknada za rad u posebnim i nezavisnim tijelima)

(1) Parlamentarna skupština BiH ima svoja posebna i nezavisna tijela, koja se osnivaju u skladu sa zakonom.

(2) Poslanik odnosno delegat koji je član posebnog ili nezavisnog tijela Parlamentarne skupštine BiH ima pravo na naknadu u skladu s odredbama ove odluke.

⁴ ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16)

(3) Zajednička komisija za administrativne poslove posebnom odlukom odredit će naknadu za rad u posebnom i nezavisnom tijelu kada zakonom nije propisan njihov status i finansiranje.

POGLAVLJE IX. - NAKNADA ZA TROŠKOVE SMJEŠTAJA, ODVOJENOG ŽIVOTA, POSJETE PORODICI I HOTELSKOG SMJEŠTAJA

Član 17.

(Naknada za troškove smještaja, odvojenog života i posjete porodici)

(1) Poslanik odnosno delegat koji je u radnom odnosu u Parlamentarnoj skupštini BiH ima pravo na naknadu za troškove smještaja i odvojenog života u skladu sa Zakonom o plaćama i naknadama u institucijama Bosne i Hercegovine i podzakonskim aktima Vijeća ministara BiH.

(2) Poslanik i delegat koji ostvaruje pravo na naknadu za troškove smještaja i odvojenog života nema pravo na naknadu troškova u vezi s učešćem u radu sjednica domova i komisija i ima pravo, do četiri puta mjesečno, na naknadu troškova prijevoza za posjetu porodici obračunatu na osnovu sedmične naknade troškova prijevoza na posao i prijevoza s posla najkraćom relacijom od mjesta rada – Sarajevo, Trg BiH broj 1 – do adrese mjesta prebivališta.

(3) Predsjedavajući domova i zamjenici predsjedavajućih domova Parlamentarne skupštine BiH koji imaju na raspolaganju službeno vozilo nemaju pravo na naknadu troškova prijevoza za posjetu porodici.

(4) Poslanik odnosno delegat podnosi Zajedničkoj komisiji za administrativne poslove zahtjev za ostvarivanje prava na naknadu za troškove smještaja, odvojenog života i posjete porodici.

(5) Naknada za troškove smještaja ne uključuje režijske troškove.

Član 18.

(Hotelski smještaj)

Za učešće u radu sjednica domova, komisija domova, kao i ostalih sjednica u vezi s poslovima Parlamentarne skupštine BiH, poslanici i delegati koji ne koriste pravo na naknadu za troškove smještaja, odvojenog života i posjete porodici imaju pravo na hotelski smještaj u hotelima koji su izabrani na tenderu.

POGLAVLJE X. – NAKNADA ZA SLUČAJ SMRTI, SLUČAJ TEŠKE POVREDE NA RADU, TEŠKE BOLESTI I INVALIDNOSTI POSLANIKA ILI DELEGATA ILI ČLANA NJIHOVE UŽE PORODICE I SMRTI ČLANA NJIHOVE UŽE PORODICE

Član 19.

(Naknada u slučaju smrti)

(1) U slučaju smrti poslanika ili delegata, koji je bio u radnom odnosu u Parlamentarnoj skupštini BiH, članu uže porodice, na osnovu zahtjeva, isplaćuje se jednokratna novčana pomoć u

skladu sa Zakonom o plaćama i naknadama u institucijama Bosne i Hercegovine i podzakonskim aktima Vijeća ministara BiH.

(2) Zahtjev iz stava (1) ovog člana podnosi se Zajedničkoj komisiji za administrativne poslove.

Član 20.

(Naknada u slučaju teške povrede na radu, teške bolesti i invalidnosti poslanika ili delegata ili člana njihove uže porodice i smrti člana njihove uže porodice)

(1) U slučaju teške povrede na radu poslanika ili delegata koji je u radnom odnosu u Parlamentarnoj skupštini BiH, teške bolesti i invalidnosti poslanika ili delegata ili člana njihove uže porodice i smrti člana njihove uže porodice na osnovu zahtjeva isplaćuje se jednokratna novčana pomoć u skladu sa Zakonom o plaćama i naknadama u institucijama Bosne i Hercegovine i podzakonskim aktima Vijeća ministara BiH.

(2) Ured sekretara Zajedničke komisije za administrativne poslove sačinjit će zapisnik o povredi na radu, koji će biti sastavni dio dokumentacije koja se koristi kao osnov za podnošenje zahtjeva za naknadu.

(3) Zahtjev iz stava (1) ovog člana podnosi se Zajedničkoj komisiji za administrativne poslove.

(4) O zahtjevu iz stava (1) ovog člana odlučuje se na osnovu nalaza i mišljenja nadležne entitetske institucije za ocjenu radne sposobnosti.

POGLAVLJE XI. – NAKNADA ZA PRIJEVOZ NA POSAO I S POSLA

Član 21.

(Naknada za prijevoz)

(1) Poslanik odnosno delegat koji je u radnom odnosu u Parlamentarnoj skupštini BiH ima pravo na naknadu troškova prijevoza na posao i s posla u skladu sa Zakonom o plaćama i naknadama u institucijama Bosne i Hercegovine i podzakonskim aktima Vijeća ministara BiH.

(2) Pravo iz stava (1) ovog člana ne pripada poslaniku odnosno delegatu koji za dolaske na sjednice naplaćuje putne troškove.

(3) Zahtjev za ostvarivanje prava na troškove prijevoza podnosi se Zajedničkoj komisiji za administrativne poslove.

POGLAVLJE XII. – JUBILARNA NAGRADA

Član 22.

(Jubilarna nagrada)

(1) Poslanik odnosno delegat koji je u radnom odnosu u Parlamentarnoj skupštini BiH ima pravo na novčanu naknadu na osnovu jubilarnih nagrada za vrijeme provedeno na radu u institucijama Bosne i Hercegovine.

(2) Pravo iz stava (1) ovog člana ostvaruje se u skladu sa Zakonom o plaćama i naknadama u institucijama Bosne i Hercegovine i podzakonskim aktom Vijeća ministara BiH.

(3) Ako poslanik odnosno delegat ne želi da mu novčana naknada na osnovu jubilarnih nagrada bude isplaćena, treba lično podnijeti zahtjev.

(4) Zahtjev iz stava (3) ovog člana podnosi se Zajedničkoj komisiji za administrativne poslove.

POGLAVLJE XIII. - OSTALE NAKNADE

Član 23.

(Ostale naknade)

(1) Poslanik odnosno delegat koji je u radnom odnosu u Parlamentarnoj skupštini BiH u skladu sa Zakonom o plaćama i naknadama u institucijama Bosne i Hercegovine i podzakonskim aktima Vijeća ministara BiH ima pravo na:

- a) novčanu naknadu za ishranu tokom rada (topli obrok);
- b) regres za godišnji odmor;
- c) otpremninu prilikom odlaska u penziju;
- d) naknadu za bolovanje.

(2) Poslaniku odnosno delegatu ne pripada naknada za ishranu za dane kad je odsutan s posla po osnovu službenog puta, godišnjeg odmora, bolovanja ili bilo kojem drugom odsustvu s rada koje koristi u skladu sa zakonom.

(3) Evidenciju o službenom putu, godišnjem odmoru, bolovanju i slično poslanika u Predstavničkom domu i delegata u Domu naroda Parlamentarne skupštine BiH (u daljnjem tekstu: Dom naroda) vode sekretari domova, a potpisuje je sekretar Zajedničke službe.

POGLAVLJE XIV. - PRESTANAK MANDATA PRIJE ISTEKA VREMENA NA KOJE JE IZABRAN POSLANIK ILI DELEGAT

Član 24.

(Prestanak radnog odnosa i prava na razliku plaće po sili zakona)

(1) Poslaniku, odnosno delegatu koji je u radnom odnosu u Parlamentarnoj skupštini BiH prestaje po sili zakona status stalno zaposlenog poslanika odnosno delegata u Parlamentarnoj skupštini BiH danom dostavljanja pravosnažne odluke Centralne izborne komisije ako je:

- a) podnio ostavku;
- b) pravosnažnom sudskom presudom osuđen na kaznu zatvora u trajanju od šest mjeseci ili duže;

- c) pravosnažnom sudskom odlukom lišen poslovne sposobnosti (proglašen mentalno nesposobnim);
- d) izabran ili imenovan na dužnost čije je obavljanje nespojivo s dužnošću poslanika ili delegata i kao takvo predviđeno zakonom;
- e) odjavio prebivalište s područja izborne jedinice u kojoj je upisan u Centralni birački spisak da glasa i u kojoj je izabran, istekom roka od šest mjeseci od dana odjave prebivališta;
- f) iz razloga utvrđenih zakonom izgubio pravo da bude biran.

(2) Poslaniku odnosno delegatu iz stava (1) ovog člana, u skladu s ovom odlukom, pripada pravo na naknadu plaće i ostale naknade obračunate s danom dostavljanja pravosnažne odluke Centralne izborne komisije.

(3) Ako poslaniku ili delegatu koji koristi pravo na razliku plaće utvrđeno ovom odlukom prestane mandat po sili zakona, danom dostavljanja pravosnažne odluke Centralne izborne komisije prestaje mu pravo na razliku plaće.

(4) Poslaniku odnosno delegatu iz stava (3) ovog člana, u skladu s ovom odlukom, pripada pravo na razliku plaće obračunatu s danom dostavljanja pravosnažne odluke Centralne izborne komisije.

Član 25.

(Naknada plaće u slučaju smrti)

(1) Ako poslanik ili delegat koji je u radnom odnosu u Parlamentarnoj skupštini BiH odnosno koji koristi pravo na razliku plaće umre, status stalno zaposlenog poslanika odnosno delegata u Parlamentarnoj skupštini BiH prestaje mu danom smrti.

(2) U slučaju iz stava (1) ovog člana, u skladu s ovom odlukom, obračunava se naknada plaće i ostale naknade, odnosno razlika plaće danom smrti poslanika odnosno delegata i uplaćuje se na njegov tekući račun.

POGLAVLJE XV. - NOVI SAZIV POSLANIKA ODNOSNO DELEGATA

Član 26.

(Prestanak radnog odnosa i prava na razliku plaće istekom mandata)

(1) Poslanicima odnosno delegatima koji su u radnom odnosu u Parlamentarnoj skupštini BiH, odnosno koji ostvaruju pravo na razliku plaće u skladu s ovom odlukom po isteku vremena na koje su izabrani, radni odnos i sva prava iz radnog odnosa odnosno pravo na razliku plaće prestaju danom davanja svečane izjave novog saziva domova.

(2) Rješenja o prestanku radnog odnosa, odnosno prava na razliku plaće, poslanicima starog saziva potpisuje predsjedavajući Zajedničke komisije za administrativne poslove odnosno njegov prvi odnosno drugi zamjenik odmah nakon davanja svečane izjave novog saziva Predstavničkog doma.

(3) Rješenja o prestanku radnog odnosa, odnosno prava na razliku plaće delegatima starog saziva potpisuje predsjedavajući Doma naroda ako je izabran, a ako nije, rješenja potpisuje privremeni predsjedavajući sjednicom Doma odmah nakon davanja svečane izjave novog saziva.

Član 27.

(Obračun plaće novom sazivu domova)

(1) Zahtjev za zasnivanje radnog odnosa, odnosno ostvarivanje prava na razliku plaće, poslanici odnosno delegati novog saziva podnose Kolegiju Predstavničkog doma odnosno Doma naroda ako je izabran, a ako nije, zahtjev se podnosi privremenom predsjedavajućem Predstavničkog doma odnosno Doma naroda.

(2) Rješenje za reguliranje statusa stalno zaposlenog poslanika odnosno delegata novog saziva donosi se isti dan kad je zahtjev podnesen, a najkasnije dan nakon podnošenja zahtjeva.

(3) Danom davanja svečane izjave poslanici odnosno delegati, koji su podnijeli zahtjev za reguliranje statusa stalno zaposlenog u Parlamentarnoj skupštini BiH odnosno zahtjev za ostvarivanje prava na razliku plaće, stiču pravo na koeficijent za obračun plaće poslanika odnosno delegata koji će se primjenjivati do izbora novog rukovodstva doma, predsjedavajućih klubova poslanika i naroda, te predsjedavajućih komisija domova.

Član 28.

(Odlučivanje o zahtjevima do konstituiranja Zajedničke komisije za administrativne poslove)

(1) Poslanik odnosno delegat stiče pravo na podnošenje zahtjeva za ostvarivanje prava utvrđenih ovom odlukom danom davanja svečane izjave, a danom davanja svečane izjave novog saziva Parlamentarne skupštine BiH prestaju mu sva prava koja je ostvarivao u skladu s ovom odlukom.

(2) O svim zahtjevima poslanika odnosno delegata za ostvarivanje prava utvrđenih ovom odlukom, odnosno o prestanku prava u skladu sa zakonom i ovom odlukom u periodu od davanja svečane izjave novog saziva domova do konstituiranja Zajedničke komisije za administrativne poslove odlučuju kolegiji domova Parlamentarne skupštine BiH, a ako nisu izabrani članovi kolegija, odluke donose privremeni predsjedavajući sjednicama domova.

(3) Akte donesene na osnovu stava (2) ovog člana potpisuje predsjedavajući kolegija svakog doma odnosno privremeni predsjedavajući sjednicom doma.

(4) Akte iz stava (2) ovog člana verificira Zajednička komisija za administrativne poslove na prvoj sjednici koja bude održana nakon izbora predsjedavajućeg te prvog i drugog zamjenika predsjedavajućeg Zajedničke komisije za administrativne poslove.

POGLAVLJE XVI. – PARLAMENTARNI VOJNI POVJERENIK BOSNE I HERCEGOVINE

Član 29.

(Odlučivanje o pravima iz radnog odnosa parlamentarnog vojnog povjerenika Bosne i Hercegovine)

(1) U skladu s čl. 11. i 12. Zakona o parlamentarnom vojnom povjereniku Bosne i Hercegovine⁵, Zajednička komisija za administrativne poslove:

- a) na osnovu odluke domova Parlamentarne skupštine BiH, donosi rješenje o zasnivanju radnog odnosa, odnosno prestanku radnog odnosa parlamentarnom vojnom povjereniku Bosne i Hercegovine (u daljnjem tekstu: parlamentarni vojni povjerenik);
- b) na osnovu odluke Zajedničkog kolegija oba doma Parlamentarne skupštine BiH o razrješenju, donosi rješenje o prestanku radnog odnosa parlamentarnom vojnom povjereniku;
- c) na osnovu Zakona o plaćama i naknadama u institucijama Bosne i Hercegovine, podzakonskih akata i zahtjeva parlamentarnog vojnog povjerenika, odlučuje o naknadama utvrđenim zakonom i podzakonskim aktima;
- d) na osnovu Zakona o radu u institucijama Bosne i Hercegovine⁶ i podzakonskim aktima kojima se uređuju prava zamjenika ministara u Vijeću ministara BiH, donosi rješenje o godišnjem odmoru parlamentarnog vojnog povjerenika.

(2) Kada nije konstituirana Zajednička komisija za administrativne poslove, o pravima utvrđenim u stavu (1) tač. c) i d) ovog člana odlučuje Zajednički kolegij oba doma Parlamentarne skupštine BiH ako je izabran, ako nije, o pravima odlučuju kolegiji domova Parlamentarne skupštine BiH, a ako nisu izabrani članovi kolegija, odluke donose privremeni predsjedavajući sjednicama domova.

POGLAVLJE XVII. - PRIJELAZNE I ZAVRŠNE ODREDBE

Član 30.

(Primanja po jednom osnovu)

Poslanici i delegati koji istovremeno obavljaju više dužnosti u Parlamentarnoj skupštini BiH mogu imati primanja samo po jednom osnovu, i to prema njihovom opredjeljenju.

⁵ ("Službeni glasnik BiH", br. 49/09 i 51/09)

⁶ ("Službeni glasnik BiH", br. 26/04, 7/05, 48/05, 60/10, 32/13 i 93/17)

Član 31.

(Izmjene i dopune Odluke)

Izmjene i dopune ove odluke vrše se na način i po postupku za njeno donošenje.

Član 32.

(Izrada prečišćenog teksta)

Nakon dvije ili više izmjena i dopuna ove odluke, sekretar Zajedničke komisije za administrativne poslove sačinjit će prečišćeni tekst ove odluke i dostaviti ga Zajedničkoj komisiji za administrativne poslove na verifikaciju.

Član 33.

(Prestanak važenja akata)

Stupanjem na snagu ove odluke prestaju da važe:

1. Odluka o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 4. 5. 2000;
2. Odluka o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01/7,02/3-02-434/01 od 3. 7. 2001;
3. Odluka o pravima poslanika i delegata na stalnom radu u Parlamentarnoj skupštini Bosne i Hercegovine nakon 5. 10. 2002, broj: 01/7,02/3-011-840/02 od 30. 9. 2002;
4. Odluka o dopuni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01/7-011-857-3/01 i broj: 02/3-011-38/02 od 16. 1. 2002;
5. Odluka, broj: 01/7, 02/3-011-326-1/03 od 11. 3. 2003, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 4. 5. 2000;
6. Odluka, broj: 01/7,02/3-011-509/03 od 9. 4. 2003, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 4. 5. 2000;

7. Odluka, broj: 01/7,02/3-011-1299-4/03 od 23. 9. 2003, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01/7,02/3-126/00 od 4. 5. 2000;
8. Odluka, broj: 01/7-50-1-53-4-18/04 od 14. 7. 2004, o izmjenama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11. 4. 2000;
9. Odluka, broj: 02/3-50-1-236-21/04 od 9. 11. 2004, o izmjenama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11. 4. 2000;
10. Odluka, broj: 01/7,02/3-50-1-188-3-8/05 od 3. 3. 2005, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, broj: 01,02/7-126/00 od 11. 4. 2000;
11. Odluka o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05 od 13. 4. 2005;
12. Odluka, broj: 01/7,02/3-50-1-188-3-16/05 od 20. 12. 2005, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05 od 13. 4. 2005;
13. Odluka, broj: 01/7,02/3-50-1-17-3-18/06 od 21. 3. 2006, o izmjenama i dopunama Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05 od 13. 4. 2005, broj: 01/7,02/3-50-1-188-3-16/05 od 20. 12. 2005;
14. Odluka o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-17-3-19/06 od 21. 6. 2006;
15. Odluka, broj: 01/7-50-1-7-3-40/06 od 18. 9. 2006, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-17-3-19/06 od 21. 6. 2006;
16. Odluka, broj: 02/3-50-1-14-5-44/06 od 15. 9. 2006, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj

skupštini Bosne i Hercegovine (prečišćeni tekst), broj: 01/7,02/3-50-1-17-3-19/06 od 21. 6. 2006;

17. Odluka, broj: 03/5-50-1-17-7-6/07 od 18. 12. 2007. (veza broj: 03/5-34-6-168/08 od 5. 2. 2008), o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-17-3-19/06 od 21. 6. 2006;

18. Odluka Zajedničke komisije za administrativne poslove Parlamentarne skupštine Bosne i Hercegovine, broj: 03/5-50-1-17-12-7/07 od 18. 12. 2007;

19. Odluka o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-17-3a-10/08 od 26. 2. 2008. (veza broj: 03/5-34-6-168/08 od 3. 3. 2008);

20. Odluka, broj: 03/5-50-1-17-15,5/08 od 28. 7. 2008, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-17-3a-10/08 od 26. 2. 2008;

21. Odluka, broj: 03/5-50-1-17-16,3/08 od 18. 9. 2008, o ispravci greške;

22. Odluka, broj: 03/5-50-1-17-17,3/08 od 9. 10. 2008, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-17-3a-10/08 od 26. 2. 2008;

23. Odluka, broj: 03/5-50-1-17-18,3/08 od 21. 10. 2008, o izmjeni Odluke, broj: 03/5-50-1-17-17,3/08 od 9. 10. 2008, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-17-3a-10/08 od 26. 2. 2008;

24. Odluka, broj: 03/5-50-1-17-19,7/08 od 17. 11. 2008, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-17-3a-10/08 od 26. 2. 2008;

25. Odluka, broj: 03/5-50-1-11-23,3/09 od 12. 3. 2009, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-17-3a-10/08 od 26. 2. 2008;


26. Odluka o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09 od 8. 4. 2009;

27. Odluka, broj: 03/5-50-1-11-27,4/09 od 15. 6. 2009, o izmjeni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09 od 8. 4. 2009;
28. Odluka, broj: 03/5-50-1-11-28,8/09 od 11. 9. 2009, o izmjenama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09 od 8. 4. 2009;
29. Tumačenje, broj: 03/5-50-1-11-31,6/09 od 11. 11. 2009, za primjenu člana 15. stav (1) i člana 21. Odluke o načinu obračuna plaća i ostalih materijalnih prava poslanika i delegata u Parlamentarnoj skupštini BiH (prečišćeni tekst), broj: 03/5-50-1-11-25,3/09 od 8. 4. 2009;
30. Zaključak Zajedničke komisije za administrativne poslove, broj: 03/5-50-1-11-27,2b/09 od 15. 6. 2009;
31. Procedura, broj: 03-34-6-774/09 od 30. 6. 2009, za ostvarivanje prava na osnovu člana 4. stav (4) Odluke o načinu obračuna plaća i ostalih materijalnih prava poslanika i delegata u Parlamentarnoj skupštini BiH (prečišćeni tekst), broj: 03/5-50-1-11-25,3/09 od 8. 4. 2009;
32. Procedura, broj: 03-02-4-742/11 od 7. 7. 2011, o izmjeni Procedura za ostvarivanje prava na osnovu člana 4. stav (4) Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09 od 8. 4. 2009;
33. Odluka o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-38,3/10 od 29. 10. 2010;
34. Odluka, broj: 03/5-50-1-11-26,3/09 od 27. 5. 2009, o osnovici za obračun plaće poslanika i delegata;
35. Odluka, broj: 03/5-50-14-11-6,13/15 od 22. 12. 2015, o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-38,3/10 od 29. 10. 2010;
36. Odluka, broj: 03/5-50-14-11-26,8/18 od 30. 1. 2018, o dopuni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-38,3/10 od 29. 10. 2010. i broj: 03/5-50-14-11-6,13/15 od 22. 12. 2015;
37. Odluka Zajedničke komisije za administrativne poslove, broj: 03/5-50-14-11-19,8/14 od 20. 3. 2014, o naknadi za troškove smještaja i odvojenog života;

38. Zaključak Zajedničke komisije za administrativne poslove, broj: 03/5-50-14-11-25,2c/17 od 4. 12. 2017.

Član 34.
(Stupanje na snagu)

Odluka stupa na snagu danom donošenja i objavit će se na oglasnoj ploči i intranetu Parlamentarne skupštine BiH.



Prešedavajući
Zajedničke komisije za administrativne poslove
Senad Kadif